

道門科範大全集卷四十一之四十二

第八

道門科範大全集卷之四十一

同卷十二

傍

三洞經籙弟子仲勳編

安宅解犯儀

一時行道

法事陞壇如式

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空

出入冥無遊宴十方五雲浮蓋招神攝風
役使萬靈上衛仙翁和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧

傍八

香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓關啓玄壇土地方域神真臣今
陛壇行道謹奏為入意其諸忱悃已錄告聞
願得

太上十方至真道炁靈寶瑞光下降流入臣
身中令臣所啓速達徑御

太上無極大道

昊天玉皇上帝御前

請稱法位

具位臣某與闔壇官衆等謹同誠上啓

太上無極大道元始天尊太上道君太上老
君十方無極大道道德衆聖天尊至真大帝
天帝三十六部尊經玄中大法師土府太皇
太始五帝中黃戊己應感真靈臣闔大道融

真元皇御運五文開教三洞宣行天尊垂廣
濟之科太上播無疆之澤陶鈞庶品拯度羣
生臣億劫良因被沐玄化龍書鳳紀玉札瓊
篇得以稟修用期昇度而告盟之始約拯救
為先凡有所陳不容寢絕況奉詞旨敢不上
聞齋意忱誠謹當宣奏

傍八

宣詞

按如詞言情誠丹切理宜開度以付玄慈竊
惟五太之前三靈分化洎于太古未雜澆漓
冬穴夏巢懷道抱德各安所適玄會無為自

數兆陰陽象垂棟宇吉凶善惡倚伏相乘順
之則代享禎祥違之則人罹災沴聖真引訓
愍濟爲心懺罪祈恩俾崇齋直臣等相攜同
褐率按典儀式建壇場以祈福祐以今陞壇
行道請法衆等運茲初捻上香

願此香烟騰空供養

十方無上道寶天尊臣等皈身皈神皈命首
體投地以是捻香功德歸流社稷尊靈宗祧
先聖清都瑩質紫極延祥福被宸居慶傳

帝業比高衡而作配與日月以齊明太子諸

王承匡聖業賢臣良輔克贊謀猷萬國梯航
羣生昭泰今故燒香自歸依

道尊大聖衆至真之德得道之後保天長存
和與道合真

以今陞壇行道請法衆等運茲二捻上香

傍八

三

願此香烟騰空供養

十方無上經寶天尊臣等皈身皈神皈命首
體投地以是捻香功德歸流齋官某家九祖
七玄先靈幽爽棲神絳苑鍊魄丹臺襲氣毋
以登真御雲躋而託化福資來裔澤及存亡

克荷玄休常承元吉今故燒香自歸依
經尊大聖衆至真之德得道之後升入無形
和與道合真

以今陞壇行道請法衆等連茲三捻上香
願此香烟騰空供養

十方無上師寶天尊臣等皈身皈神皈命首
體投地以是捻香功德歸流齋官某家眷屬
宗親同滋禎貺福延壽永禍滅災消泊乎宅
宇龍神陰陽將吏遷功茂賞加爵增勳納吉
祐於中宮蕩災凶於外域今故燒香自歸依

師尊大聖衆至真之德得道之後永天長存
和與道合真

唱方懺方書三啓如三禮曰平字

重稱法位

具位臣某與闔壇官衆等謹同誠上啓

金闕虛无九清上帝瑤臺瓊闕妙有高真土
府真皇大帝應感一切真靈臣聞道化既彰
玄風遐扇生神變化以暢神功由是羽殿霞
房凝雲結氣浮雲表象應物効靈上古聖人
法天體道肇興宮室以代穴巢取則二儀分

靈五氣爰設陰陽之位乃明凶吉之殊天地
正神以司其任善則延祥致福克保安寧惡
則降禍流殃蹈茲凶咎遂著修禳之品俾申
祈謝之儀况志在立功職惟濟物凡有投告
敢不上陳齋官某以築室營居不明禁忌慮

傍八

四

因締葺犯觸神明恐上犯天靈四時六氣違
逆正道延降凶衰又恐旁犯太歲太陰飛廉
豹尾陰陽刑殺支干衆神又恐下犯地司九
宮八卦地宮土府陰境靈祇興役運功動違
神道又恐所居之地歲月浸深或是故園田

墟官城遺址或是神山靈跡福地勝居或是
先哲古賢丘陵墳墓或是城隍社廟郊祀壇
場或是敗壘故營戰爭之地或是盟壇誓處
或是廢市空廓或是腐骨窮魂尚爲依託或
是遊神之鬼猶有所憑凶怪時彰災妖或起
凡情靡測禳謝無方今按靈寶真經正一科
品齋持法信崇建道場法地像天祈息悔過
臣等輒依科典虔備焚修關奏上真解滌災
咎普十方而懺滌仰

三寶以皈依伏冀大聖垂光高真下濟敷四

司官屬五帝威靈洗蕩過尤旁流福祉使龍

神正職安鎮其方沴氣邪精潛靈厚地凶災

殄息故氣消亡居止又寧存歿安泰五瘟四

毒無害於人水火刀兵無傷於物七玄開度

長夜光明祿壽遐長子孫忠孝內無天橫家

傍八

五

有禎祥帝澤宸波永安於北極五風十雨咸

若於中天百穀豐登五兵偃戢飛沉蠢動九

夜三途俱仗玄功共均齋福上明

天尊大慈之澤下副信人至懇之誠謹啓以

聞

十二願

復爐

香官使者左右龍虎君侍香諸靈官當令臣
向來行道之所自然生金液丹碧芝英百靈
衆真交會在此香火爐前當願十方仙童玉
女接待蘭烟傳臣向來所啓速達徑御
至真無極大道

昊天玉皇上帝御前

出堂頌 出戶

道門科範大全集卷之四十一

道門科範大全集卷之四十二

三洞經錄弟子仲勵編

安宅解犯儀

散壇行道

法事如式

各禮師存念如法

宣衛靈呪

五星列照 煥明五方 水星却災 木德致昌

熒惑消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空

出入冥無遊宴十方 五雲浮蓋 招神攝風
役使萬靈 上衛仙翁和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧

傍八

六

香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓闕啓玄壇土地方域神真臣今
設醮行道謹奉為入意其諸誠悃已錄告聞

願得

太上十方正真道炁靈寶瑞光下降流入臣
身中令臣所啓速達徑御

至真無極大道

昊天玉皇上帝御前

請稱法位

具位臣某與闔壇官衆等謹同誠上啓

太上無極大道元始天尊太上道君太上老
君十方無極大道道德衆聖天尊至真大帝
天帝三十六部尊經玄中大法師土府太皇
太始五帝中黃戊巳應感真靈臣聞萬象未

形一元肇啓虛无大道爲生化之根元清淨
真風乃陰陽之宗本於是先分二氣後顯三
才尊卑之位既彰覆載之功攸著冬穴夏巢
之代淳樸未移上棟下宇之儀易象方作莫
不裁形天地取法乾坤定方圓之規列陰陽
之數順之則自天垂佑福被無疆違之則萬
物延災禍生不測吉凶斯在今古攸遵況復
處世多端修心未至動貽悔吝易積愆瑕非
託上真無由解謝竊聞天尊設教真文啓禳
鎮之科大道垂慈靈寶有懺祈之典敢緣斯

傍八

七

旨輒備醮壇瀝懇諸天告盟五帝莫蒙鑒佑
俯降威靈俾天地靈司陰陽僚屬迴雲迂景
下察啓祈采納丹誠霧流鴻福且與齋官合
壇衆等無任瞻望

天衢激切欽竚皈向之至誠惶誠恐稽首再
拜奉迎仙駕

降真
上茶
初獻
散花

臣謹重誠上啓

九清上聖三界威靈伏聞至誠可以感神作
德而能銷變景公懼禍而熒惑退舍黃帝用

道而蚩尤辟兵蘋蘩蘊藻可以薦群神齋戒
沐浴可以祀上帝自惟弗類實懼乃心法天
象地以建香壇捧塊摘芹而伸醮禮遵靈寶
祈恩之典法真師謝過之儀仰望真靈俯矜
凡烟臣既承詞旨敢不上聞齋意忱誠謹當

宣奏

宣詞

按如詞言誠爲至切醮官某身同腐器命若
垂絲禍福雖本於自天感應實由於在己此
生何託惟道是依輒披肝膽之誠上瀆清寧

之鑒所有興修觸犯前後過愆輒對真靈披
陳解謝醮官某家居宅之內若犯觸天神者
請皇天上帝解謝之若犯觸地神者請后土
九皇君解謝之若犯觸東方青龍支干禁忌
神者請東方七宿星君解謝之若犯觸南方

傍八

八

朱雀支干禁忌神者請南方七宿星君解謝
之若犯觸西方白虎支干禁忌神者請西方
七宿星君解謝之若犯觸北方玄武支干禁
忌神者請北方七宿星君解謝之若犯觸中
央勾陳支干禁忌神者請北斗七元星君解

謝之若犯八宅五宅一十四宅神者請九老
仙都君解謝之若犯子丑寅卯辰巳午未申
酉戌亥十二支神者請天上客星君解謝之
若犯甲乙丙丁戊己庚辛壬癸十干大神者
請天上御史君解謝之若犯乾坎艮震巽離
坤兌八卦大神者請道德君解謝之若犯建
除滿平定執破危成收開閉神者請天一貴
人君解謝之若犯天道地道人道神道者請
長生君解謝之伏願各安乃位永奠厥居赦
罪宥愆流恩注福敷佐天育物之德推助道

興化之心保家宅之安寧冀神明之協相式
彰洪造俯慰凡情臣與齋官合壇衆等無任
懺謝希恩之至酒陳亞獻

臣謹重誠上啓

太上三尊五老上帝三寶衆聖內外靈司陰

位八

九

陽官屬六甲禁忌一切神明伏聞真道杳冥
體無爲而化物聖人敷妙因立教以垂文善
惡必彰吉凶無爽今謹有醮官某伏慮運行
舉措違悞神明相宅卜居犯干禁忌或移川
塞澗增下損高土木興工穿鑿傷性不明陰

陽之理固知衰旺之宜況復古往今來陵遷
谷變所居之地終始難明或是城邑遺基神
祠舊址或是真壇福地古廟靈蹤或昔人戰
鬪之墟或先哲會盟之所或曾爲窰竈或舊
有丘陵或先聖壇場或龍神窟宅或叢林聚
異或水石藏靈既迫俗居寧無褻瀆恐因觸
犯遂結災衰以今吉日良時披心大道按天
師科格遵靈寶文儀虔請衆神仰伸懺謝若
弟子某居宅之內犯觸太歲將軍者請紫微
官方伯君解謝之若犯觸太陰歲殺神者請

天上貴人君解謝之若犯觸歲刑歲破神者
請鎮星君解謝之若犯觸黃幡豹尾神者請
太白君解謝之若犯土豹宅神者請地侯君
解謝之若犯日遊月建神者請羲和君解謝
之若犯太陰太陽神者請乾坤君解謝之若
犯雷公霹靂神者請紫微君解謝之若犯觸
咸池力士神者請離允君解謝之若犯觸天
狗地囊神者請諸天父君解謝之若犯觸年
刑月害日惡時凶神者請元女君解謝之若犯
觸青龍神者請東王公解謝之若犯白虎神

者請西王母解謝之若犯觸朱雀神者請炎
帝君解謝之若犯觸玄武神者請玄冥君解
謝之若犯騰蛇后土神者請胡越君解謝之
若犯五土眷屬神者請五靈老君解謝之若
犯陰宅陽宅刑福神者請日月君解謝之若
犯飛廉郭忌神者請太一君解謝之若犯死
喪縣獄天禍神者請韓君丈人君解謝之若
犯金匱玉堂天福宅德天倉天府天門地戶
人道鬼路神者請都統君解謝之若犯大耗
小耗四激三刑天羅地網八魁九妖弦望晦

朔陰陽滅沒神者請道化君解謝之若犯父
母眷屬十二命坐神者請延壽益筭君保護
之若犯六畜蠶命之位神者請好生度命君
衛護之乞使七十二神二十四吏陰陽正職
內外神靈安鎮其方各居所部屏凶衰於四
境除災沴於八方殃咎永消休祥密降增壽
年於生錄祿祚惟新釋罪目於陰曹疫癘無
作家傳孝悌門襲忠良常承至道之恩克荷
神明之佑臣與醮官合壇衆等無任懺謝之

至酒陳終獻

重稱法位

具位臣某等謹同誠上啓

九清十極衆聖高真六甲三元陰陽正職靈
壇應感三界威靈臣等依按明科恭陳醮禮
荷真靈之降顧享誠意之恪勤啓謝既周復

傍八

十一

升宮闕雲輶羽蓋將返虛无延降失儀薦陳
乖禮在上帝憫其罪咎冀百神恕其愚庸以
百姓之心爲心因斯民之利而利求愈多而與
愈有厚不困而生不傷地平天成陰誘默相
勿奪其鑒庶逃故悞之愆相協厥居俾遂生

成之理臣等疑瞻法從結想太空極恨塵埃
難留聖躅臣與齋官衆等無任瞻望雲闕激
切攀戀依歸之至謹啓以聞

復爐

香官使者左右龍虎君侍香諸靈官當令臣

向來設醮行道之所自然生金液丹碧芝英
百靈衆真交會在此香火爐前當願十方仙
童玉女接待侍蘭烟臣向來所啓速達徑御
至真無極大道

昊天玉皇上帝御前

昊天
送神
化財
念善

道門科範大全集卷之四十二



